

02/01
08-10-2018

UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koga zastupa policijski komesar, generalni inspektor policije Mevludin Halilović, (u daljem tekstu: Kupac)

i
„KM TRADE“ d.o.o Visoko, ul. Čaršijska bb, koga zastupa direktor Nihad Mašić (u daljem tekstu: Prodavac)

zaključili su:

UGOVOR O NABAVCI DIJELOVA UNIFORMI

PREDMET UGOVORA I CIJENA

Član 1.

Predmet ugovora je nabavka dijelova uniformi, lot 1- košulje (košulje kratki rukav-2200 komada i košulje dugi rukav -1100 komada) i lot 3-kačketi (1100 komada), za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem otvorenog postupka, objavljivanjem obavještenja o nabavci broj 16475-1-1-39-3-34/18 od 25.05.2018.godine, na osnovu Odluke o izboru najpovoljnijeg ponuđača broj 02-14-4-3318 od 09.08.2018. godine.

Ponude Prodavca broj 03/07/2018-1 i 03/07/2018-3 su sastavni dijelovi ovog ugovora.

Cijena predmetne nabavke za lot 1 sa PDV-om iznosi 322.393,50 KM (tristodvadesetdvijehiljadetristodevedesetri i 50/100 KM).

Cijena predmetne nabavke za lot 3, nakon provedene elektronske aukcije, sa PDV-om iznosi 14.625,00 KM (četnaesthiljadašeststotinadvadesetpet KM).

Ukupna vrijednost nabavke sa PDV-om iznosi 337.018,50 KM (tristotridesetsedamhiljadaosamnaest i 50/100 KM).

ROK ISPORUKE I GARANCIJA

Član 2.

Prodavac se obavezuje da će predmetnu robu isporučiti najkasnije u roku od 120 dana od dana stupanja na snagu ovog ugovora, na adresu ugovornog organa, magacin Rakovica.

Sve troškove do primopredaje, kao i troškove reklamacije snosi Prodavac.

Prodavac se obavezuje da će odmah postupiti po eventualnim primjedbama Kupca u pogledu nedostataka na ime izvršene nabavke iz člana 1. ovog ugovora.

Kašnjenje u realizaciji ugovora povlači obračun ugovorne kazne u visini 1% od vrijednosti ovog ugovora, za svaku punu sedmicu kašnjenja do urednog ispunjenja, s tim da ukupan iznos ugovorne kazne ne može biti veći od 10% od vrijednosti ovog ugovora.

Garancija na isporučenu robu je 24 mjeseca od dana isporuke.

NAČIN PLAĆANJA

Član 3.

Plaćanje za isporučenu robu je u roku od trideset (30) dana od dana ispostavljanja fakture.

GARANCIJA ZA DOBRO IZVRŠENJE UGOVORA

Član 4.

Prodavac se obavezuje da će u roku, od deset (10) dana od dana obostrano potpisanog ugovora dostaviti bankarsku garanciju za predno izvršenje ugovora u obliku безусловne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

ZAVRŠNE ODREDBE

Član 5.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.
U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 6

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Član 7.

Ugovor stupa na snagu danom potpisivanja ovlaštenih predstavnika i traje do realizacije ugovorene isporuke.


PRODAVAC
KM TRADE d.o.o Visoko


direktor Nihad Mašić

Broj : 861/18

Datum: 08.10.2018

KUPAC
MUP KANTONA SARAJEVO
UPRAVA POLICIJE


POLICIJSKI KOMESAR
Generalni inspektor policije
Mehudin Halilović

Broj : 02-14-4-6713

Datum: 03-10-2018